

明史攷證攬逸

明史攷證摭逸卷三十四

長洲王頌蔚編集

列傳第一百八十三 忠義七

何復附傳

一時武臣死事者至把總則郝國忠申錫

按張之坦管民治楊仁政李尙忠紀動趙世貴劉本源侯繼先張守道劉朝卿劉悅田守正王好善強忠

武王爾祉郝國忠申錫俱 賜祀忠義祠

總監正化知其能總監改中官

按總監正化卽上文中官方正化也一傳中不應參錯

張羅俊附傳

被誣落職歸

按崇禎長編是時羅彥同邑少卿史堇坐贓瘕死忌者誣羅彥私堇遂落職所謂被誣者指此

子晉與羅俊子仲

至

持短兵殺數人乃死

按張羅善張羅輔張晉張仲俱

賜祀忠義祠

金毓峒附傳

其從子振孫有勇力

至

亦不屈死

按金振孫肖孫陳國政張爾翬孫從範高經郭鳴世王之珽韓楓何一中杜日芳王法劉宗向田仰名劉自重劉會昌王聯芳俱

賜祀忠義祠又按尹

洗安肅人天啟二年進士授祥符令未任補蒲圻調繁洛陽擢禮科給事中以忤瑞出爲福建建寧參政罷歸家居遇害見畿輔通志

湯文瓊傳

又有范箴聽至服藥死

按湯文瓊及范箴聽楊鉉李夢禔張世禧張懋賞懋官周某郝奇遇俱賜祀忠義祠

許致傳

以六月三日卒

按明史紀事本末致聞京師之變徧體書崇禎聖主四字絕粒七日而死

京師則曹肅

至

王拱辰

按許琰及曹肅蘭衛卿周謙李汝翼李若葵王明灝
王介休殷淵宋湯齊郭珩王拱辰俱

賜祀忠

義祠

父大白官監軍副使爲楊嗣昌所殺

按大白爲興安路監軍是時嗣昌會師襄陽張獻忠
羅汝才等入營遁鄖陽興安山間遂斬大白並鞭副
將刁明忠以徇見綏寇紀略

李自成據武昌

據改
奔

按自成出西安奔襄陽至武昌時左良玉南下武昌
虛無人自成衆尙數十萬分爲四十八部居武昌五

十餘日是時我 大兵追剿闖賊賊方奔亡不暇
未幾卽死當其奔突武昌豈得復稱爲據原文未協
張繼孟傳

繼孟等不爲屈乃被殺安賈從之

按是年六月賊陷重慶七月龍文光與總兵劉佳蔭
從川北來成都謀設守賊騎兵從資陽水兵從洪雅
新津薄城下佳蔭出戰大敗賊四面縱火文光急遣
人往灌縣決堰注城濠賊攻愈厲西北城樓破比水
至而城已陷見綏寇紀略

劉士斗傳

命梓以上

上改
下

王勵精傳

書文信國取義成仁四語

信國改天祥

王勵精附傳

山陰趙嘉煒守都江堰

至

與其僕俱縊死

按趙嘉煒卜大經俱

賜祀忠義祠

尹仲附傳

郫縣則舉人江騰龍

按江騰龍

賜祀忠義祠

高其勳傳

及沙定洲再反

至

服毒死

按是時定洲作亂據雲南會城黔國公沐天波奔永

昌定洲追之聞兵巡道楊畏知據楚雄起兵討賊乃
留圍楚雄不能克孫可望在貴州聞雲南亂兼程趨
滇定洲急收兵還阿迷與可望遇於蛇花口大敗遁
去可望遂取雲南見明史紀事本末

襲祖職爲楚雄衛指揮

剛楚雄
二字

儿守禦備悉

改承憲綜
理守禦事

弟承瑱力戰死

至

一門自焚死

單國祚者

至

罵賊被殺

按王承瑱王士傑段見錦楊明盛楊一甲魏崇治高
拱極楊士俊尹夢旗夢符馮大成楊憲單國祚俱

賜祀忠義祠

張耀傳

有顧人龍者至城陷死之

按顧人龍

賜祀忠義祠

米壽圖傳

至則與督師王應熊至漸復川南郡縣

按是時應熊等避地遵義會巡撫馬乾復重慶松潘副將朱化龍復龍安一薙乃起舊將甘良臣爲總統合諸將楊展余朝宗等以乙酉三月復敘州旋取嘉定邛眉總兵賈聯登等取資州簡天錫高名佐取瀘州李占春于大海守忠涪副將曾英復破賊兵數萬其他洪雅松茂夔萬皆受一薙節制見明史紀事本

末所謂漸復川南郡縣者指此

耿廷籙傳

乾固守

至

乾戰敗而死

按是時英與參政劉鱗長自遵義至與李占春于大海張天相等奮力夾擊大破之見明史紀事本末

席上珍傳

世鼎自殺

晉寧舉人段伯美

至

亦自經

天禎聞之卽自盡

按席上珍及金世鼎段伯美余繼善耿希哲李開芳
王朝賀杜天禎俱

賜祀忠義祠

徐道興傳

孫可望等入雲南破曲靖

按是年三月可望等由黔入滇屠霑益州進破曲靖
亦屠之見明史紀事本末

徐道興附傳

子諸生耀葬親訖亦縊死

按張耀

賜祀忠義祠

劉廷標附傳

是夕運開先自經

剛先字

王乃先我

王下增公字

或以運開弟運閔對

至

遂躍入江死

按王運閔

賜祀忠義祠

乾隆四十一年

賜諡諸臣

邵宗元劉忠嗣金毓峒沈雲祚李台乙張耀羅國嶽

通諡忠烈

張繼孟尹仲吳宇英米壽圖耿廷籙馬乾 通諡忠

節

龍文光何復張大同楊儒秀張羅俊張維綱尹洗張
孔教劉佳蔭劉士斗王勵精劉三策秦民湯朱蘊羅
艾吾鼎單之賓朱奉鉅莊祖誥王起莪陳正王承憲
吳子騏譚先哲曾異撰冷陽春徐道興 通諡烈愍
呂應蛟文運昌劉洪恩戴世爵劉元靖呂九章呂一

照李一廣張羅彥韓東明王喬棟陳其赤鄭安民方堯相顧繩貽刁化神鄭夢眉蔡如惹高其勳蕭時顯劉瑄楊元灑石聲和曾益何思夏祖訓陳昌齋廖履亨焦潤生張朝綱劉廷標王運開 通謚節愍

列傳第一百八十四 孝義一

百官聞父母喪不待報得去官

按洪武二十四年七月龍江衛吏以過罰書寫值母喪乞守制吏部尙書詹徽不聽吏擊登聞鼓以訴帝召徽切責而許吏終喪見明實錄

漢府左護衛千戶許信男斌

男改子

南州吳仕坤

南改蘭

按地理志無南州考明實錄仕坤甘肅蘭州人

皆旌爲義門

改皆旌表門閭

按明實錄所載凡輸財助振者皆旌表門閭爲義官義士義民與義門自別此所載小誤

鄭濂傳

擢濂弟濟與王勲爲春坊左右庶子

按濂從兄淵有孝行母卒積哀耳爲之贖中外交薦以病辭卒宋濂表其墓曰貞孝見識大錄

濂從子幹官御史棠官檢討他得官者復數人

按明實錄永樂十四年陞蜀府教授鄭楷爲本府左長史致仕楷浦江義門從蜀王椿之請也

邱鐸傳

父爲湖廣儒學提舉

父下增
誠字

按獻徵錄鐸父名誠

鐸奉父母播遷

改鐸奉
親播遷

崔敏附傳

字季粟

粟改

按識大錄蘇州府志並作季粟

周琬附傳

乃聽圭代而成其父雲南

按洪武二十五年正月天策衛卒吳英父得罪繫獄
英詣闕願沒爲官奴以贖父罪特允之見明實錄

李德成傳

洪武十九年舉孝廉屢擢尚寶丞

按德成舉孝廉授光祿署丞改太常贊禮郎二十五
年擢尚寶司丞兄識大錄

沈德四傳

直隸華亭人

直隸改松江

按地理志華亭領於松江府屬南直隸此稱直隸未
協

趙紳附傳

山陰人

山上增浙江二字

按地理志山陰有二一屬浙江紹興府一屬山西大

同府考一統志尙質爲浙江山陰人

麴祥傳

又有華夷之限

華夷改中外

列傳第一百八十五 孝義二

傅檝傳

泉州南安人

泉州改福建

按地理志南安府屬江西南安縣屬福建此書泉州南安卽福建之南安也但考各傳文內無載府名者此書泉州於體例未符

謝用傳

抱用歸寄乳鄰媪

按獻徵錄用父永貞納妾馬氏生一女永貞客外嫡苦之遣歸母家改適孚溪時馬氏已孕四月矣月足姪生卽用也明年永貞歸快然於懷其伯父廢翁曰婦去而子存亦不幸之幸也永貞卽抱歸寄乳鄰母

孫氏

用徧覓幾一載

按獻徵錄用謀於族人珣偕往密訪日則哀泣詢人夜則焚香籲天千里之內水郭山村覓之殆徧

何競傳

道經舜賓家

至

大詬曰

改道舜賓家魯陰使押顯章過之詬曰

按浙江通志何競傳是時顯章下府覆驗道舜賓家

魯噤解人押顯章過舜賓隨遣阜捕等五百餘人執器圍其家曰舜賓篡取重囚云云蓋魯既與舜賓讎又設計陷顯章於重辟豈容其入與之謀乎而預令族父澤走闕下訴冤

按浙江通志族父名澤二此作澤所紀各異而解役任寬慷慨首實且出舜賓臨命所付血書

按浙江通志血書作血衣任寬作任觀與此互異

王原傳

既娶婦月餘跪告母曰兒好尋父

按原母張氏妻段氏見文安縣志

後原子孫多仕宦者

按原父珣歸時年已六十有四原生男六人孫男十有五曾孫男二十有二俱業耕讀有司嘉原行以壽官榮之見文安縣志

歸鉞傳

嘉定縣人

剛縣字

按各傳文例俱無縣字

父娶繼妻有子

父下增更字

何麟傳

門閉不得入怒而還京

而改及

按本紀正德十三年八月如大同九月次偏頭關十月次榆林十二月次綏德十二月戊寅幸石州戊子

次太原十四年正月丙申朔帝在太原王子還宣府
二月壬申至自宣府計十二月戊子次太原至次年
壬子還宣府是帝在太原共二十五日矣且先還宣
府後由宣府還京此傳云門閉不得入怒而還京所
紀似失實蓋當時江彬等方導帝遊幸朝臣切諫尙
不能阻又彬傳稱抵太原大徵女樂或初未及問還
京之後始追問舊事耳

容師偃附傳

十三年復叛殺總兵李瑾

三改

按本紀大同兵叛殺總兵官李瑾事在嘉靖十二年
此作十三年誤

崔鑑傳

父嗜酒狎娼召與居娼恃寵時時陵鑑母

按鑑父名佑母王氏娼魏氏見獻徵錄

乃匿刃牖下

牖改

按獻徵錄作匿刃牖下

唐儼傳

嫡母歿二十年而生母歿

按獻徵錄儼事嫡母蒙氏甚謹生母宋氏事之兼隆而儀節飲食較殺焉曰禮不可踰也

有司奏旌其門

按儼少入鄉校至是學使知其孝行錄爲廩生並以

粟帛給其妻先是觀風者多重儼欲上其事於朝儼
辭曰事親以盡吾心耳使以親故得名非儼志也後
至京肄業南雍有司奏旌之儼終於太學云見獻徵
錄

邱緒傳

事余至孝

按獻徵錄緒太學生鑑之次子嫡產兄經及弟綸俱
客京師後余病革緒獨侍湯藥衣不解帶余感動
既聞於朝獲旌表

按獻徵錄緒弱冠補邑庠弟子員食廩祿者二十餘
年累舉不第需次及貢矣忽感火疾旬餘而死年六

十有二

王在復傳

從父讀書城外

按獻徵錄在復名亮燾

時嘉靖三十三年五月也

按獻徵錄作五月初九日

王世名傳

時萬曆九年二月

按獻徵錄係萬曆九年正月事此作二月互異

李文詠傳

父大經沂水知縣

改父大經故沂水令

按獻徵錄文詠父大經原任沂水知縣於史傳文法當作故沂水知縣無故字則下文寢室被火似在官署矣

列傳第一百八十六 隱逸

倪瓚傳

故自號雲林居士

按書畫譜云瓚別號五曰荆蠻民淨名居士朱陽館主蕭閑仙卿雲林子雲林多用以題詩畫故尤著爲人有潔癖

按畫史會要云元鎮素有潔癖人號倪迂士信以幣乞畫瓚又斥去

按書畫譜云元鎮好僧寺一住必旬日鐫鏡木榻蕭然宴坐時操紙筆作竹石小景客求必與一時好事者購之價值數十金張士誠弟以幣求其筆元鎮怒曰予生不爲王門作畫師卽裂其絹而却其幣

徐勗傳

丙午春卒於家

改以疾卒於家

按傳中並未敘年譜干支此處突書丙午春未詳何代何年考明太祖洪武元年乃戊申丙午先戊申二年則尙在元順帝時矣上文曰書勗年歲下復敘干支體例亦不合獻徵錄作以疾卒今從之

劉閔傳

訓鄰邑

訓下增徒字

按訓鄰邑不辭菑田縣志作訓徒

朔望歸則號哭殯所

剛則字

知府陳效請遂其志榮以學職

按分省人物考宗彝與陳效並薦之與此互異

孫一元傳

不知何許人

按獻徵錄一元關中人年十三誦百六經文不爲舉
子章句獨居一室家人罕窺其面十八人終南山繼
入太白山云云

沈周傳

有郡守微畫工繪屋壁

按分省人物考作郡守曹姓

銓曹問曰

按分省人物考作銓曹王問沈先生

列傳第一百八十七 方伎

滑壽傳

滑壽

按紹興府志葉逢春云壽蓋劉文成基之兄易姓名爲醫文成旣貴嘗勸之仕不應而去

晚自號攬寧生

按朱右撰傳云壽在揚州曰滑壽在蘇州曰伯仁在

餘姚曰櫻寧生

葛乾孫傳

父應雷以醫名

按蘇州府志應雷所著有醫學會同二十卷由平江醫學教授擢江南醫學提舉元末人也

張中傳

遇異人授數學

按獻徵錄張中傳作異人授太極數

參政趙維祖

維祖
繼改

按本紀作趙繼祖此誤

袁琪傳

鄞人

按獻徵錄琪字廷玉以字行其先南昌人後家於鄞
戴思恭傳

治諸醫侍疾無狀者

治改
逮

按明史紀事本末是時召諸醫侍疾無狀者悉付獄
是尙未治罪也治字文義未協

盛寅傳

太監具以告因盛稱寅卽召入便殿

按獻徵錄永樂乙酉郡大夫薦授醫學正科名曰振
庚子至京師求療者戶不能容太宗聞知召對與此
稍異

全寅傳

英宗復辟將官寅

按是時景帝弗豫中外以儲嗣未定爲憂寅亟言於石亨早定大計亨意遂決英宗復辟欲官寅以此見明史紀事本末

吳傑傳

按傑字士奇見獻徵錄

僅可還大內

僅可改可速

甫還而帝崩

改甫數月帝崩

按本紀武宗於十五年九月得疾十二月還京師至次年三月崩於豹房此云僅可還大內甫還而帝崩

似失實

吳傑附傳

歷加工部尙書

按紳連加通政使禮部侍郎工部尙書領院事見識
大錄

凌雲傳

字漢章

按兩浙名賢錄以漢章爲名不云雲字漢章

周述學傳

山陰人

山陰上加
浙江二字

按地理志山陰有二一浙江一山西述學浙江山陰

人見通志

讀書好深湛之思

刪湛之二字

張正常傳

洪武元年入賀卽位

按正常於洪武十年秋偕李善長祀嵩山還家卒見
貴溪縣志

張正常附傳

賜號長春真人

按獻徵錄是時淵然賜號沖虛至道元妙無爲光範
衍數莊靜普濟長春真人傳內前後諸人俱詳載賜
號獨淵然未悉

賜以金印

按識大錄載英宗卽位復加號西天佛子賜以玉印

明史攷證臈逸卷三十四

明史攷證攬逸卷三十五

長洲王頌蔚編集

列傳第一百八十八 外戚

目錄

張騏

騏改麒麟本傳同

按明實錄獻徵錄俱作張麒麟如列傳及外戚世表同

陳公傳

明年有言王墓在盱眙者至諭翰林學士宋濂文其碑

按明實錄洪武三年三月立揚王墓碑詔內臣禮官往祭而修治之且置守塋戶四年正月詔工部改建

皇外祖考揚王廟於泗州盱眙縣之墓所是立碑立廟乃兩年事此所載未晰

從大將張世傑扈從祥興

從祥興改駐南海

按宋濂原碑文云當宋之季名隸尺籍伍符中從大將張世傑扈從祥興帝駐南海考祥興卽宋末衛王昺也王昺僻處海隅固不得承大統但徒稱祥興年號於史傳體例未協且節去駐南海三字則下文溺死及達岸等語皆無根矣

馬公傳

四年命禮部尚書陶凱卽宿州瑩次立廟

按明實錄洪武四年正月詔工部改建皇外舅徐王

廟於宿州之墓所又按獻徵錄洪武四年六月詔禮部尙書陶凱撰徐王廟碑

張麒傳

洪武二十年以女爲燕世子妃

二十改十六

按燕世子卽成祖太子仁宗也考仁宗本紀於洪武二十八年冊爲燕世子永樂二年冊爲皇太子此於洪武二十八年卽書燕世子者後人作史之詞也又考張皇后傳於洪武十六年封燕世子妃永樂二年封皇太子妃此云洪武二十年以女爲燕世子妃誤

仁宗卽位

改永樂九年

按獻徵錄麒於永樂辛卯追封彭城伯甲辰進彭城

日方卷三十一
侯考辛卯係永樂九年甲辰乃永樂二十二年也又
按外戚世表麒麟於永樂九年六月追封伯仁宗卽位
十一月追贈侯實錄亦同蓋仁宗卽位雖在永樂甲
辰之秋而麒之封伯實已在前特進侯在仁宗時耳
此敘封伯進侯兩事俱在仁宗卽位下誤
飛營有過成祖戒之

按昶有弟旭居鄉驕橫成祖不欲顯斥之故因昶致
戒焉見識大錄

張麒附傳

子軫早亡

按昇子軫襄府典寶見獻徵錄

正德元年令參英國公張懋保國公朱暉提督團營

按世表偉於弘治十二年鎮陝西召還十三年八月領左府正德三年十二月提督團營并三千營管操明實錄亦同此云元年令參提督團營或元年止分領其事三年則專任之耳

子元善嗣

子上增從字

按世表元善乃鏞從子

孫忠傳

初以永城主簿督夫營天壽山陵

按獻徵錄忠以生員貢太學洪武己卯出爲山西介休主簿有治聲尋以外艱去服除補河南永城主簿

三年皇后胡氏廢貴妃爲皇后封忠會昌伯

按明實錄宣德四年三月封忠會昌伯子孫世襲外戚世表同蓋孫后以三年立忠以四年封耳

孫忠附傳

子璉

按璉字國用濼謹不與諸貴游相將母卒哀毀得疾不起年三十六卒見獻徵錄

吳安傳

吳安

按安賢妃弟也成化十八年正月卒見明實錄

錢貴傳

擢貴中府都督同知

刪中府
二字

故后家獨不獲封

不獲
改無

以父錦衣故秩予優給

刪錦衣
二字

累擢都督同知成化時

改擢都指揮使成化
時累擢都督同知

按雄於天順元年陞都指揮使成化初晉後軍都督
僉事尋轉同知府事見明實錄此云天順改元累擢
都督同知誤

乃封承宗安昌伯世襲

按明實錄成化十五年正月雄卒後上念累朝外戚
俱有封爵乃封承宗爲安昌伯又弘治二年四月子
承宗子孫世襲外戚世表同蓋封伯與世襲係兩事

且中間相距已十一年也

嘉靖四年承宗卒

四改五

按明實錄嘉靖五年正月庚戌安昌伯錢承宗卒此作四年誤

承宗母請以庶長子維垣嗣

母改妻

按明實錄承宗妻請以庶長男維垣嗣此作承宗母誤

杭昱傳

昱已前卒敏削職還里

改乃降昱爲副千戶尋卒敏削職還里

按明實錄天順元年二月降錦衣衛指揮使杭昱爲副千戶此云昱已前卒誤

周能附傳

外戚經營私利

經改競

悉擢彧子瑋等六人爲錦衣官

按正德二年閏正月復太保長寧伯周彧之子瑋瑄
錦衣衛世襲指揮使琪璘瑄世襲正千戶職瑄特授
錦衣百戶從彧乞也見明實錄

王鎮傳

上元人

按王氏先世密雲人鎮父鳳始遷籍於上元見獻徵
錄

王鎮附傳

弘治六年進侯

六改五

按獻徵錄弘治元年戊申推舅氏益祿百石越五年王子進封侯爵子孫世襲追封其父鎮爲阜國公母阜國太夫人十六年癸亥加太保此作弘治六年進侯誤且本傳前云源父鎮於弘治五年追封阜國公考源進侯與鎮贈公乃一時事前後不應互異

萬貴傳

萬貴

下增諸城人三字

按萬貴如列傳云諸城人此傳亦宜增入

歷官錦衣衛指揮

刪官字

蒙天子恩備戚屬

刪天子二字

邵喜傳

議久不決

下增七年二字

今其爭者

刪其字

明年明倫大典成

明年改會

按世表蕙以嘉靖六年十二月卒杰以七年二月襲
又按世宗本紀七年六月明倫大典成頒示天下八
年因陸燾疏劾罷桂萼相此敘杰之嗣伯不書年月
而明倫大典成及陸燾論桂萼事皆以明年統之所
載殊未明晰

帝不聽

刪帝字

會給事中陸燾

會改八年

下粲獄改罷

按桂萼傳云給事中陸粲極論其罪帝大悟奪萼官以尙書致仕又按陸粲傳云粲疏論萼納賄擅權諸罪狀帝立下詔暴萼罪罷其相而以粲不早發下之吏邵杰亦罷襲此云帝怒自因萼之受賂使奴隸冒封爵故耳詳其情事自以萼爲重此作下粲獄未協

張巒傳

張巒下增與濟人三字

弘治四年封壽寧伯立皇太子進爲侯改弘治三年封壽寧伯五年進侯

按獻徵錄成化中皇后爲東宮妃授巒鴻臚寺卿弘

治三年陞都督府同知是年冬封壽寧伯五年東宮立變得進侯又按實錄巒於弘治三年封伯四年子世襲五年准侯此作四年封伯誤

夏儒傳

毅皇后父也

下增上元人三字

按獻徵錄儒字宗魯其先上元人永樂間北徙大興縣因家焉

以后父封慶陽伯

刪以后父三字

子臣嗣伯

按明實錄正德元年立后以儒爲錦衣衛指揮使尋進爲中軍都督府都督同知正德二年儒封伯世皇

親夏助爲錦衣衛指揮使夏臣指揮同知獻徵錄儒
子三人長助次臣次勳

陳萬言傳

大名人

改元城人

按后妃列傳陳皇后元城人地理志元城縣屬大名
府此作大名人未晰

方銳傳

應天人

改江寧人

按后妃列傳方皇后江寧人考地理志江寧縣屬應
天府此作應天人未晰

陳景行傳

先是建昌人至遂家焉

按獻徵錄景行字希哲係出建昌高祖徙浙之青田後調河南安吉衛又調通州右衛

子昌言嘉言善言名言至其子承恩

按昌言錦衣衛都指揮僉事嘉言錦衣衛指揮使善言名言俱錦衣千戶承恩錦衣衛勳衛見獻徵錄

王偉傳

王偉下增餘姚人三字

鄭成憲傳

鄭成憲下增大興人三字

貴妃有寵鄭氏父子宗族並驕恣附父子宗三字

主事陸大受

主事改郎中

按大受本傳萬曆二十五年進士授行人屢遷戶部郎中明實錄云戶部署郎中事陸大受上疏明史紀事本末亦云戶部郎中陸大受此作主事誤

王昇傳

王昇

按王太后列傳云順天人畿輔通志云王國興字熙

平霸州人

被殺

改自焚死

按劉文炳傳稱國興焚死畿輔通志亦云率妻子自焚死此作被殺誤

劉文炳附傳

又念瀛國太夫人年篤老至匿之申湛然家

按明史紀事本末瀛國太夫人亦投井死與此互異

新城侯王國典亦焚死典改與

按王昇傳及外戚世表並作王國典

與永固討賊楊光陞者至體糜爛以死

按楊光陞申湛然並賜祀忠義祠

順治九年賜諡諸臣

張慶臻專諡忠毅

劉文炳專諡忠恪

鞏永固專諡忠烈

衛時春 專諡忠穆

乾隆四十一年 賜諡諸臣

王國興 通諡忠節

劉文耀 通諡烈愍

劉繼祖 通諡節愍

列傳第一百八十九 列女一

目錄

高氏

下增
女字

鍾氏四節婦

鍾改

月娥傳

太祖渡江之六年

六改
七

按本紀太祖渡江事在元至正十四年五月偽漢稱
帝兵自上游攻太平事在至正二十年三月計其前
後相距已七年矣此作六年誤

劉孝婦附傳

同時甄氏欒城李大妻

大下增
林字

按一統志作欒城李大林妻此脫林字

諸娥傳

孝女諸娥山陰人

改諸娥浙
江山陰人

按地理志有兩山陰一浙江一山西諸娥見浙江通
志

丁氏傳

唐方妻浙新昌丁氏女名錦孥

改丁氏錦孥唐方妻浙江新昌人

貞女韓氏傳

保寧人

改閩中人

按四川通志韓氏閩中人

後從玉珍破雲南還李嫁爲尹氏婦

按四川通志韓氏自稱韓關保後從王總兵略雲南還經成都叔父贖歸以適馬氏與此互異又按明玉珍傳玉珍將萬勝有智勇玉珍愛之使從己姓眾呼爲明二玉珍據蜀遣萬勝鄒興又李某者分道攻雲南兩路皆不至惟勝兵深入踰年以孤軍繼引還不言玉珍破雲南事意當時韓氏所從或萬勝耳

貞女韓氏附傳

年十三失母

按江寧府志善聰母死時年十二與此互異

姚孝女傳

適吳氏

下增父早世迎母養於家八字

按浙江通志適吳氏下有父早世迎母養於家一語

吳氏傳

充椽於汴

椽改

石孝女傳

新昌人

上增浙江二字

按地理志有兩新昌一浙江一江西石氏見浙江通

志

及女長問母曰我無父族何也

改女長問母曰我何無父族

湯慧信傳

水至湯竟溺死

按一統志湯氏悉以資還鄧族織紉自給年九十三卒與此互異

馬氏傳

余佈妻馬氏

改馬氏余佈妻

義姑萬氏傳

姑之祖斌及父兄並死王事

按太祖時斌以功遷龍驤衛百戶從征僞漢陷陣死

子鍾襲職累功遷指揮僉事建文中以拒燕兵戰死
子武襲職永樂中從征交趾戰死弟文嗣職率舟師
禦倭遭風溺死見浙江通志

程氏傳

程氏

按程氏本歙縣人家江都見江南通志

王妙鳳附傳

適同里朱姓

按江南通志唐氏夫名朱彥明

嫁汪客之子

按江南通志張氏夫名汪綬

王氏傳

王年甫十七

王改婦

按上文其父母娶婦以慰之則自以稱婦爲宜傳稱王稱婦稱女殊嫌參錯

女曰

女改婦

乃使其二女從容諷之

改乃邀其二弟從容諷之

按浙江通志作姑乃邀其二弟從容諷之情事較協女口出怒言

女改婦

宣氏傳

孫與宣以死相邀

按孫氏送夫喪過河下求見宣宣以死相要遂同日

縊死宣被救甦而孫先死後三年宣疑父母欲嫁之
乃登樓縊死時年二十五見嘉定縣志

凌氏傳

張維妻凌氏

改凌氏
張維妻

婦紡績供養二十年不衰

按浙江通志云邑令葉竦重其節置田五畝資之

胡氏傳

鄞縣諸生李珂妻胡氏

改胡氏鄞縣
諸生李珂妻

孫氏傳

吳縣衛廷珪妻

按衛廷珪江南通志作韓廷珪與此互異

列傳第一百九十 列女二

目錄

張氏

葉氏
范氏

按張氏傳中附載葉氏陳氏范氏死節事目錄獨遺
陳氏於體例未協

歐陽氏傳

乃九江人彭澤王佳傅妻也

九江改彭澤
彭澤改同邑

按江西通志歐陽氏爲九江之彭澤人此概稱九江
未晰

方氏傳

郡守劉蒞

按劉蒞一統志作劉蒞與此互異

張列婦附傳

又鄭氏安陸趙鈺妻

安陸改沔陽
鈺改鈺下同

按地理志安陸一爲郡名後改承天府一爲邑名屬
德安府考湖廣通志鄭氏爲安陸府沔陽縣人其夫
名趙鈺此旣誤沔陽爲安陸又誤鈺爲鈺

夫戲曰

夫改
鈺

按鄭氏夫已於上文書名此處亦應畫一稱名

王烈婦傳

夫嗜酒廢業

按一統志稱王氏夫爲汪姓

王烈婦附傳

又許烈婦松江人

按江南通志稱許氏贅嚴氏子爲婿

沈氏六節婦傳

周氏希魯妻

按希魯寧波府志作希魯

時宗婦死者三十餘人

宗婦改族中婦

按宗婦當作族中婦女義較協

黃氏附傳

張罵不絕口

按一統志稱是時張罵不絕口賊怒割乳剖心投其

首河中與此小異

孫烈女傳

女亦倚壁死

按是時孫氏以自刎死見泗州志

胡氏傳

二兄袞袞杖死塞上至必欲置二子死

按是時鍊棄宣府市襄奏成極邊會順與巡按御史路楷逢嵩意更取袞袞杖殺之復移檄逮襄見識大錄是袞袞之死已由順等矣

戴氏附傳

時莆又有歐茂仁妻胡氏

莆又改同邑

胡氏傳

胡鄙之胡改氏

邵陽李氏傳

李氏邵陽安尙起妻李氏邵陽改邵陽李氏

按目錄標邵陽李氏而傳中以李氏冠首於體例未協

蔣烈婦傳

禮部尙書寶

按寶係南京禮部尙書見獻徵錄

倪氏傳

陳襄妻倪氏至

力女紅養姑改倪氏定海人鄞諸生陳襄妻襄早卒婦年三十無

子力女
紅養姑

按浙江通志倪氏爲定海人傳未詳載且目錄僅標
倪氏而傳首冠以陳襄妻三字亦未畫一

自漬其面

漬改
潰

邵氏傳

丹陽大俠邵方家婢也

俠改
猾

名傾中外

改大恣
姦弊

按識大錄是時方並爲大璫陳洪畫策得司禮拱與
洪皆德之遂居京師作姦納賄不資拱亦厭而畏其
口薦之兩廣帥久而逐之歸所至把持官府恣爲不
法於是居正屬佳允捕置之獄杖之百不動欲折其

足不能乃教獄卒以大搥搥之而後折旋置之死是方特一枉法無賴之尤者此目為大俠且稱其名傾中外殊嫌失當

奎所善推官在坐大笑曰奎上增應字坐下刪大字

李氏傳

李氏王寵麟繼妻李氏下增麻城二字

按一統志寵麟湖北麻城人

經四十日去經字

眾果蝟集去果字

馬氏傳

馬節婦年十六歸平湖諸生劉濂改馬氏平湖人年十六歸諸生劉濂

按浙江通志馬氏本平湖人劉濂其同邑人也傳所載未協且目錄僅標馬氏而傳首稱馬節婦亦未盡

一

翁家甚貧

翁又陰納沈氏聘

翁俱改舅

按婦謂夫之父曰舅本爾雅各傳敘事皆作舅此獨從俗稱翁未協

王氏傳

婦紡績易食

其瑞將鸞婦博羅民家

婦笑而許之

婦俱改氏

陳節婦傳

安陸人

安陸改
鍾祥

按地理志安陸一爲郡名後改承天府一爲邑名屬
德安府考湖廣通志陳氏安陸鍾祥人此僅舉其郡
名則竟似德安之安陸縣矣

王氏傳

王氏山陰沈伯燮妻

王氏下增
浙江二字

按地理志山陰有二一屬浙江一屬山西考一統志

王氏浙江山陰人

伯燮又病且憊

刪又且
二字

列傳第一百九十一

列女三

目錄

李氏陳氏

改陳氏
李氏

按江南通志諸書陳氏爲黃日芳妻李氏其妾也傳
所載既誤目錄遂爾倒置

徐貞女傳

有司攝施婦

施婦改
徐氏

按施婦卽徐氏也應畫一稱徐氏方與下文徐氏被
攝句相應

谷氏傳

及谷下階

谷故未嘗出閨閣

以谷意不屬茂也

谷母隨之至思舍谷號呼求速死

谷並改氏

于氏傳

氏聘簪二

聘上增取字

撫任頸哽咽曰

哽咽改泣

崔氏傳

香河王錫田妻

妻上增繼字

按畿輔通志崔氏爲錫田繼妻

荆媧傳

起鳳大罵不從被殺

按高起鳳

賜祀忠義祠

李氏陳氏傳

黃日芳妾李氏陳氏日芳知霍工縣崇禎八年齋計簿

入郡改陳氏霍工令黃日芳妻妾李氏崇禎八年日芳齋計簿入郡

萬氏傳

長子承舜泣曰至遂負母投於塘

按姚承舜

賜祀忠義祠

石氏女傳

隨父守仁寓五河

按泗州志稱石氏卽五河人其遇害時年十七

唐氏傳

女巽跪泣

按女巽湖廣通志作女巽大

倪氏傳

蕭來鳳妻倪氏至寇至投井死

按蕭來鳳宋愈亨俱 賜祀忠義祠

姚氏傳

孫林格鬪死

按姚孫林 賜祀忠義祠

李氏傳

廣平教授元薦女

按畿輔通志稱元薦爲廣平訓導與此小異

熊氏傳

蓋臣自江西歸遇賊被殺

按李蓋臣

賜祀忠義祠

雷氏傳

長庚乃解所繫條縊於梁

按劉長庚

賜祀忠義祠

張秉純妻劉氏傳

秉純絕粒死

按張秉純

賜祀忠義祠

列傳第一百九十二 宦官一

傳序

雖間有賢者如懷恩李芳陳矩輩然利一而害百也

雖改

問有彼善於此者終不足贖其撓權干政之罪也

按懷恩輩雖無惡蹟而干預朝政故習仍在以賢許之未免溢量

鄭和傳

其酋陳祖義剽掠商旅

按瀛涯勝覽載陳祖義本廣東人挈家遁逃遂爲之主時有施進者亦廣東人因和統師至具訴祖義貪橫狀祖義既禽誅進仍回舊港進沒其女代爲將帝赦不誅釋歸國

按明實錄亞烈苦奈兒至京上憫其無知釋之給與衣食命擇其屬之賢者立爲王以承國祀無遺歸國

之事與此互異

其前僞王子蘇幹刺者

子致弟

按明實錄蘇幹刺乃前僞王弟外國傳亦作老王弟

此作僞王子誤

滿刺加古里等十九國咸遣使朝貢

按明實錄是年海外國朝貢者合琉球中山僅十七國與此異

於是和景弘復奉命歷忽魯謨斯等十七國而還

按明實錄及外國傳俱稱和景弘齋詔往使凡歷二十餘國與此互異

榜葛刺之西

至

古佛國也

按五印度之名明以前傳聞異辭恭讀

御製

五印度考訛天竺一國分爲東西南北中五印度皆
厄訥特珂克之地北印度實近回部之葉爾羌過葱
嶺卽拔達克山轉而南爲克什米爾又轉而西爲溫
都斯坦又轉而南方爲厄訥特珂克其道里莫得其
詳 指示分明足破傳疑之誤此傳稱帝欲通

榜葛刺諸國復命侯顯率舟師以行其國卽東印度
又云榜葛刺之西有國曰沼納樸兒地居五印度中
古佛國也云云顯旣率舟師卽不能至五印度之地
下文又稱遍歷烏斯藏諸國而還與前所載又相矛
盾明代宦官奉使惟所妄稱而不爲考核舛訛大率

如此

金英傳

金英者

刪者字

正統十四夏旱命英理刑部都察院獄囚

四下增年字

按明時中官會審錄囚始於正統六年維時內監爲興安至是儀制更僭詳見刑法志

安叱之令扶理出大言曰

改作于謙力持不可安叱理出曰

按是時徐理南遷之議力持不可者爲于謙金英興安不過從而和之耳見明實錄及謙傳此所載未的

勸邸王任于謙治戰守

刪于字

金英附傳

官其養子王椿

按水東日記謹養子陳林授官令從其姓曰王春與此小異

浪以贈門下皇城使王瑤

按王瑤明史紀事本末作王堯

王振傳

又裴可烈等不法

按裴可烈明大政記典故紀聞俱作裴可力明寶錄於宣德二年作裴可力宣德六年又作裴可烈

然是時太皇太后賢

按是時太后以振導帝戲游召責之諸女官以刀加

振頸振叩頭流血乃免見識大錄

又械戶部尙書劉中敷侍郎吳璽陳璠於長安門

按中敷等後又下獄歲餘乃釋中敷爲民璠璽戍邊
事在正統六年見明實錄

振乃爲亂兵所殺

按明史紀事本末土木師潰護衛將軍樊忠從帝旁
以所持捶捶死振

給事中王竑等立擊殺馬順及毛王二中官

按馬順卽附振害劉球者見識大錄毛王二中官皆
長隨是日爲上直軍衛官捶死非百官殺之見水東
日記又王長隨名王貴見明實錄王德疏中

明攷逸三十五

西寧侯宋瑛駙馬都尉井源爲前鋒

改西寧侯宋瑛武進伯朱冕總大同

兵

按明實錄正統十四年七月癸巳大同總督軍務西寧侯宋瑛武進伯朱冕與敵戰於陽和全軍敗沒至八月壬戌土木師潰井源死焉是井源不與宋瑛同敗死又瑛乃總督大同軍務亦非前鋒此所載誤

曹吉祥傳

降敕徧諭羣臣

羣臣改勅賊

按明實錄時帝降敕訓誡者爲公侯駙馬伯都督等官乃止諭勅諸臣非徧及羣臣

帝命懷寧侯孫鏗西征

侯改伯

按鐘本封懷寧伯以討曹欽功始進侯爵其西征時
尙未封侯也

鐘遣二子急召西征軍

按是時鐘遣二子孫輔孫軌給征西軍士曰刑部獄
囚反獲者重賞衆乃聚至二千人始告以故時已黎
明矣見獻徵錄

至獨石參將楊俊禽寧送京師

按喜寧本司設監太監時楊俊誘之至獨石城下爲
總旗高斌金抱持墜入濠中遂禽之見明實錄

懷恩傳

正人彙進恩之力也

改士大夫願
以是稱恩

按孝宗擢任正人由其明於用舍傳概以爲懷恩所
援進未免失實

弘治之世政治醇美君德清明端本正始吉有力焉

吉

在諸奄中雖稍醇謹而當時乃以孝宗政
治醇美歸功於吉之端本正始則謬矣

按孝宗爲明中葉令辟由其天資醇厚原傳乃以端
本正始之力歸功一老內監其論未允

汪直傳

楊暉故少師榮曾孫也至匿姊夫董璵所

按明實錄暉至京卽主韋瑛家爲瑛所給又董璵明
實錄作董序均與此異

妄言寄金於其叔父士偉所上改位
下同

按楊士偉明實錄屢見俱作仕偉又有其從弟名仕
儼則仕字乃其排行此作士偉誤

參政劉福等

按參政劉福明實錄作浙江左布政使與此異

而左都御史方賓亦失直旨褫職

方改李褫
職改致仕

按明實錄及七卿表時左都御史爲李賓此作方賓
誤又賓以自陳致仕並未褫職

小中官阿丑工俳優

按是時保國公朱永役兵治第阿丑於上前爲楚歌
曰張子房一歌而散楚兵六千人旁人曰楚兵八千
何止六千對曰其二千在保國公家作第耳永懼罷

役見王世貞別集

罷西廠不復設至降直奉御

按罷西廠在成化十八年三月直降奉御在十九年其時言官爲御史徐鏞見明史紀事本末

而陳準代爲東廠

按準掌東廠有欲入人罪者令準按之準不忍逡巡屢日閉門自經見貂璫史鑑

梁芳傳

見累朝金七窖俱盡

按王整震澤紀聞載此事稱內府積金十窖俱罄懸與此稍異

梁芳附傳

信妖人王臣

按臣本錦衣衛千戶見貂璫史鑑

何鼎傳

是時中官多守法

多守改頗畏

按是時孝宗嚴明中官特畏之而不敢肆非真能守法也

至世宗朝年九十餘始卒

改在正德間交通宸濠坐下獄贖免至世宗朝年九十餘

始卒

按貂璫史鑑蕭敬正德中與宸濠通下獄贖免

李廣傳

幼公主殤

按時幼公主患痘廣飲以符水而遂殤見貂璫史鑑

蔣琮傳

孝宗時守備南京

按琮於成化十五年管海子嘗以潛留私宅事爲尙
銘所發執送鎮撫司究問見明實錄

御史伊宏

按伊宏明實錄作尹宏

素惡南京御史劾己

按吉曾於弘治初爲南京給事中方向御史陳嵩等
所劾以雷震孝陵松樹也見姜綰傳及明實錄

劉瑾傳

人號八虎而瑾尤狡狠

按是時又號瑾等爲八黨見獻徵錄

罷中官監鎗

鎗改倉

按是時方命內官監視倉庫劉健等具疏力爭見明

實錄

王岳者素謇直

改岳久侍帝東宮

按王岳嫉瑾等之姦雖尙知所惡然究出於同黨相傾未可遽褒以謇直據貂璫史鑑改

而夜收岳及亨智充南京淨軍

按泳化類編太監李榮亦與岳等同降充南京淨軍

郎中劉繹張瑋尙寶卿顧璿

按鴻猷錄作主事張偉尙寶卿崔璿與此互異

部曹則郎中李夢陽

按是時李夢陽爲韓文草疏稿故亦入姦黨見琬琰集

又令六科寅入酉出

按明史紀事本末作辰入酉出

其年夏

其改三

召百官跪奉天門下

奉改承

按匿名書事在正統三年六月上文但標明二年此處又稱其年紀載未晰又承天門誤作奉天門俱據

明實錄改

所遣人率阿瑾意專務搏擊

按是時以重劾阿瑾意者給事中李滄御史仇惠喬
岱等見明實錄

浙江鹽運使楊奇逋課死至鬻其女孫

改御史彭程逋
浙江鹽課死至

鬻其
女孫

按明實錄正德四年七月戶部覆奏兩浙鹽課應賠
負課各官有御史彭程運使楊奇二人下又云時奇
已死其妻訴家貧戶部請貸不許程以言事謫成死
久矣有司奉例追併罄家不能償僅一孫女鬻之富
民不復議婚媾禮瑾之苛虐如此據實錄此文是鬻

女孫者乃彭程而非楊奇原傳當以實錄敘二事相連采掇致誤

以焦芳惡華故也

改以焦芳惡彭華也

按焦芳惡華故也語意未晰考焦芳傳亞劉本江西萬安人事發方下所司勘奏芳卽署其屍曰江西俗多玩法如彭華等多被物議宜裁解額並禁授京秩是芳所惡者蓋彭華也此僅稱名未協

祭酒王雲鳳請彌瑾行事著爲律令

按雲鳳並請瑾臨視太學如唐魚朝恩故事見明史紀事本末

欲因誅瑾一清爲畫策

按楊一清傳稱一清勸永誅瑾永有難色一清力勸之且教以流涕固爭永意乃決與此微異

妄言瑾從孫二漢當大貴

孫改子

按明實錄二漢實瑾姪焦芳傳同此作從孫誤

因奏瑾不法十七事

按明實錄不載永所奏瑾不法十七事而有科道官所劾瑾罪十九事一剋害軍民二私藏軍器三掘郊壇土以造室四沮格詔旨五復寧王護衛六奏事皆專決七私行占候八濫罪良善九擅行封爵十任意黜陟十一裁兵釀盜十二以私怨籍沒大臣十三廣通路遺十四奪各官誥敕十五罰官員米石十六以

嚴刑箝天下口十七以緝事騷動天下十八擅增陝
西解額十九增立改文就武名目當與永所奏大同
小異

張永傳

實非有不法也

改尚非張忠比也

按永聽張忠等搜捕妄殺江西騷然亦未爲無過此
特以其能保全王守仁曲加回護不免抑揚過情

谷大用傳

張佐鮑忠麥福黃錦輩

按黃錦河南人世稱三黃太監爲世宗鍾愛不離左
右最久見泳化類編

故內臣之勢惟嘉靖朝少殺云

改故嘉靖朝雖內臣權勢尙在然其害視他時

差減云

按陸容菽園雜記稱內官濁亂朝政嘉靖年無之然其權寵猶在嘗在金水橋候旨見司禮太監黃錦出奉天門於高臺上微動一手諸大臣皆折腰其勢燄燄人如此云云是嘉靖間內臣之勢亦未能盡殺特顯然爲惡者差少耳

明史攷證擿逸卷三十五